



KVINNHERAD
K O M M U N E

Politisk og administrativt sekretariat

Vår ref.: 2019/334-5

Dato: 01.11.2019

Til: Hildegunn Furdal

Frå: Bente Høyland

Særutskrift - Kommunedelplan for vassforsyning og avløp 2020 - 2027

Formannskapet hadde saka føre i møte 10.10.2019 som sak 2019/61.

Vedlagt fylgjer utskrift av møteboka der vi viser til vedtaket.

Saksframlegg

Kvinnherad kommune

Saksmappe

2019/334-4

Saksbehandlar

Hildegunn Furdal

Saksgang		
Saksnr	Utval	Møtedato
2019/61	Formannskapet	10.10.2019

Høyring av planprogram - Kommunedelplan for vassforsyning og avløp 2020 - 2027

Innstilling frå kommunedirektøren:

1. Kvinnherad formannskap vedtek at framlegg til planprogram for kommunedelplan for vassforsyning og avløp vert lagt ut på høyring og offentleg ettersyn jamfør plan- og bygningslova § 5-2.
2. Frist for merknadar og innspel vert sett til 6 veker frå kunngjeringsdato.
3. Samstundes med utlegging av forslag til planprogram, vert det varsla om oppstart av planarbeidet, jamfør plan- og bygningslova § 4-1.

Behandling i Formannskapet den 10.10.2019

Kommunedirektøren si innstilling vart samrøystes vedteken.

Vedtak frå Formannskapet den 10.10.2019

1. *Kvinnherad formannskap vedtek at framlegg til planprogram for kommunedelplan for vassforsyning og avløp vert lagt ut på høyring og offentleg ettersyn jamfør plan- og bygningslova § 5-2.*
2. *Frist for merknadar og innspel vert sett til 6 veker frå kunngjeringsdato.*
3. *Samstundes med utlegging av forslag til planprogram, vert det varsla om oppstart av planarbeidet, jamfør plan- og bygningslova § 4-1.*

Saksutgreiing:

I planstrategien for valperioden 2015-2019, står det at skal det utarbeidast ein kommunedelplan for vassforsyning og avløp (KDP VA, VA-plan). Gjeldande kommunedelplan for vassforsyning og avløp 2013-2024 vart vedteke i 2013.

Vidare seier planstrategien seier at Kvinnherad kommune skal vidareutvikle den kommunale organisasjonen med fokus på effektivisering, struktur og mindre byråkrati, og dette skal følgjast opp gjennom kommunedelplanar for verksemdområde med store investerings- og

prioriteringsbehov. Det er gjennomført store investeringar innanfor vatn- og avløp-sektoren, og i tida framover skal det gjennomførast fleire investeringar. VA-området er eit 100 % sjølvkostområde, der investeringar er finansiert over drifta ved at det vert tilført rente- og avdragskostnader.

Gjeldande VA-plan frå 2013 er god og skal danna grunnlaget for rulleringa. Det er viktig både for Kvinnherad som samfunn og for Kvinnherad kommune som organisasjon at ein har ei heilskapleg og langsiktig tenking på korleis vassforsyninga og avløp skal handterast i tida som kjem.

I kommunedelplanen for vassforsyning og avløp skal ein sjå på kva som allereie er gjort og kva som skal prioriterast i åra framover, samstundes som konsekvensane prioriteringane får for framtidig gebyrnivå, skal vurderast:

- Oppdatert skildring av status for mål og tiltak i gjeldande hovudplanar
- Revidere gjeldande målsetjingar
- Foreta ei langsiktig og heilskapleg vurdering av tiltak som må setjast i verk for å oppnå målsetjingane
- Vurdere eksisterande og framtidig grunnlag for dimensjonerande tilknytning og
- Vassforbruk (år 2050)
- Vurdere reserve- og krisevassforsyningar
- Teknisk/økonomisk analyse av trong for fornying av leidningsnett basert på vurdering av leidningsnettets sin tilstand og restlevetid
- Medverke til at kommunen drifrar VA-anlegga på ein helse- og miljømessig og kostnadseffektiv god måte som brukarane er nøgde med
- Innsamling av kunnskap om vassmiljø (ferskvatn og sjø) knytt opp mot utslepp av avløpsvatn
- Utarbeide handlingsplan for tiltaka med økonomiske konsekvensar (gebyr)
- Oversikt over private vassforsyningar og kvaliteten på desse

Kommunen hyrar konsulentar som skal gjennomføra arbeidet med planen, i dialog med eininga for VA og miljøretta helsevern. Norconsult utarbeidde førre VA-plan, og same konsulentar skal lage den nye planen.

Økonomi:

Arbeidet med kommunedelplan for vassforsyning og avløp er finansiert med delar av avsette budsjettmidlar i 2019-investeringsbudsjettet.

Miljømessig konsekvens:

Ein heilskapleg og langsiktig tenking på korleis vassforsyninga og avløp skal handterast i tida som kjem, vil ivareta vassmiljøet på ein berekraftig måte og ein vil ha betre føresetnadar for å nå miljømåla for våre vassførekomstar.

Vedlegg:

- Planprogram for kommunedelplan for vassforsyning og avløp 2020-2028
- Gjeldande Kommunedelplan for vassforsyning og avløp 2013-2024